



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Qvod Ivdæi Messiam, Qvi uenit, ceu uenturum, temere
expectent**

Samuel <Marochitanus>

Argentorati

VD16 S 1561

Capvt IX. Quod duo sunt aduentus Christi.

urn:nbn:de:hbz:466:1-36159

P A R A S T A S I S.

nus, & fecerūt nobis secundū prophetiā istam, hodie sunt mille anni & ultra, & nihilominus si in ira dei sumus, & tamen in ipso speramus. Et si dicamus quod Christus uenturus est & non dum uenit, et rehabebimus terrā promissionis, & reaedificabimus ciuitatē, & habebimus gratiā dei & honorem in terra nostra, & ista desolatio non erit perpetua. Respondebunt Christiani, quod adhuc ergo manet nobis occasio Christi & aduentus Titi & populi Romani, & desolatio peior ista in qua iam fuimus per mille annos. Heu domine non est excusatio nec euasio cōsona. Sed tamen quicquid cōtingat Dei sumus in omni casu, si in eo speramus.

CAPVT IX.

Quod duo sunt aduentus Christi.

Timeo, domine mi, quod Christus iam uenit, & iam adimpleuit primū aduentū suū, quia in scripturis nostris inuenimus duplicē eius aduentū. Primus aduentus Christi describitur in Prophetis in paupertate & humilitate. Secundus in gloria & maiestate. Et de utroq; aduentu proponā illa quæ mihi occurrūt. De primo aduentu dicit Deus per os Zachæ. cap. ix. Letare filia Syon, ecce præceptor tuus uenit pauper, equitans asinum. Et in isto aduentu describit eum Isaias despectū. Daniel occisū. Zacharias & Amos uenditū, & tamen iam fuerunt cōpleta quæ in libello descripsi & describam, nō reputauimus eum, id est, non cognouimus eum, sicut dixit Esaias Propheta, sed despeximus eū & præualuimus contra eū.

B Sed

V E R I M E S S I A E

Sed gloria eius & maiestas eius erit manifesta in secundo eius aduentu, quando ignis & flāma præcedet eum, et ex ardescet & inflammabit in circuitu inimicos eius. Sicut dicit Deus per os prophetarū Dauid & Isaia. Et timeo, domine mi, quod Christus non iudicabit aliter quam cum igne ad mortem, quia nos interfecimus omnes Prophetas qui annunciauerūt nobis de ipso, prout Deus testificatur contra nos per os Helie prophetae quarto libro Regū. Et sic interfecimus illum iustum propter quem sumus in ira dei sine fine. Attamen Dei sumus.

CAPVT X.

De primo aduentu Christi.

Timeo, domine mi, Deus describit aperte duos aduentus Christi, per os Esaia prophetae. liij. cap. cum dicit. Consurge, consurge, induere fortitudinem brachium domini. Bis dicens consurge, propter eius duplicem aduentum. Et singillatim clare primum Christum describit aduentum quantum ad passionem et deiectionem cap. l. & liij. per totum. Et specialiter cum dicit. Vidimus eum & non erat aspectus & species, neq; decor & c. Primum eius aduentum ponit Esa. ix. cap. cum dicit. Paruulus natus est nobis. Et statim subiungit secundum eius aduentum cum dicit. Et uocabitur fortissimus gigas, potens, super thronum Dauid sedebit, ut confirmet illum ab initio usq; in æternum. Zacharias autem propheta describit eū pauperem & sedētem super asinum cap. ix. Et quid aliud est hoc, nisi, quod Propheta describit primum aduentum in humilitate,